



Universitätsbibliothek Paderborn

Linda Mariana, Sive De B. Virgine Lindensi

Clagius, Thomas

Coloniae Vbiorvm, 1659

VIII. Beneficia divina, quae ad animorum cultum atque salutem Deiparae
Linden. ope conferuntur, paucis libata.

urn:nbn:de:hbz:466:1-11544

universi orbis exsatiant sitim, gratiarum cumulos, velu
undas, volventia, in utilitatem eorum, qui sincerate fili
coluit (a) Et quid hic aliud expectes, nisi ut eadem
Ecclesia omnes ad tanta miraculorum beneficiorum
que Marianorum flumina invitet? Ecce (sic enim co-
dem pergit loco) inexhaustam gratia copiam! Adeste o-
mnes, & corde puro, scaturientes hinc rivos, ut plane di-
vinos, haurite. (b)

C A P U T VIII.

Beneficia divina, quæ ad animorum cultum atque salutem, Deipara
Lindensis ope conferuntur, paucis libata.

Illud ante omnia, in beneficiis divinis animos
mortaliū concernentibus, venerati omnino par-
est, quod plerisque locum sacrum non modò jam in-
gressis, sed cominus quin & eminus alpientibus,
vel etjam iter duntaxat eò capessentibus, peccato-
rum suorum memoria, non sine ingenti animi dolo-
re, subeat, ut vix uspiam magis. Atque hinc est, quod
illic tot exomologeses, aut ab ipso vitæ exordio inti-
tuantur; aut, si quid anterioribus defuisse videat,
sarciantur. Paucos admodum invenias, qui eodū
aut totius vitæ sarcinas non deponant; aut, si alii
deposuerint, non se illic singulariter allevari ferint.

Quid,

(a) ὁ τῶν Θεομάτων πόταμος, θεοτόκη, ἐκ σπέρμα-
χέμενοι, ὡς εἴδει, ποτίζεσι τὸ πρόσωπον τῆς γῆς;
Ιας προχέοντες τοῖς πιστῶς σε τιμῶσιν. Apud VVagneri
num. 399. (b) οἱ δὲ χάρις αὐτοῦ συντλητος. δεῦτε κάρη
εἰλικρίνει καρδία αρρύσαθε, θείαν ράματα πηγαίζεται.

Quid, quod illi quoque, qui aut nullam, aut exiguum purgandæ conscientiæ curam rationem vè secum afferebant, similatque sacrum locum subiēre, aut ei propiores facti sunt, subito intra se mutati, collectum diu intra conscientiam virus, majore, quam vel ipsi sperabant, animi gemitu evomunt? Fuit paucos ante annos miles quidam, qui Ædem sacram ingressus, cùm nihil antè super exoneranda apud se agitasset conscientiâ, præter expectationem subito excitari se ad faciendam peccatorum confessionem; quin &c diviniore quâdam vi impelli sensit, ut *contra stimulum calcitrare*, vix amplius posset. Ergo ad divinum Tribunal se repente protipit, &c, quæ longo temporum militiæ que usu hauserat venena, ita apud sacrum Quæsitorem digessit atque egessit, ut quemadmodum dolor maximus reum, ita judicem summa admiratio, utrumque verò incredibilis deum excepterit lætitia. Neque verò minus, augusta Lindensis Virgo à vitiis jam lapsos revocat, quam cum vitiis luctantes aut confirmat, ne cadant; aut, cùm lapsare cæperint, erigit. Unum de multis, quæ memorari possent, è P. Simonis Hein commentariolo subiectio. Anno MDC LI. maritus quidam, fœdum in mortem per adulteria volutatus, non DEI duntaxat ac divorum, verum & conjugis suæ acerrimum incurrit odium. In eo libidinis æstu, sub Tiliae Marianæ umbram confugit; &, ut Regina Virginum, omnisque etiam Angelicæ puritatis fons supplicem audiat, obsecrando vovet, se tum sacrum Lindæ facellum aditu, tum septem dies in honorem purissimæ Virginis

nis jejuno traducturum. Annuit supplici Virgo, & continuò omnem insanæ libidinis æstum ita extinxit, ut qui toties alienum polluerat thorum, deinceps etiam suum, quantum per fædera liceret matrimoniī, vellet servare puriorem. Voti quocirca reus, Lindam III. Cal. Jun. adiit, & fospitatrici luæ intimas egit gratias. Quis verò memoret, quantum in aliis constitutos animi periculis B. V. Lindensis adjuvet; quando Catholicæ quoque Ecclesiæ ac fidei, quæ virtutis omnis vitæque divinæ fundamentum est, tantam gerit curam, ut non modò Orthodoxos, in medio sectariorum per Ducatum Prussiæ sparsos confirmet, verùm & luctantes adjuvet, & lapsos revocet, & eos, qui de Ecclesia orthodoxa vix fando audierant, ad eandem invitet? Videtur profectò locum ipsum jam olim delegisse, unde ad omnium, quasi de specula quadam, excubaret salutem, & non minus in tenebris hærescon positos, veræ fidei persunderet lumine, quam orthodoxos flammâ accenderet pietatis. Haud facile eorum, qui Deiparae Lindensis ope ad Ecclesiam Catholicam rediere, numerum iniverit, etiam si quis numerum ritè consignate statuisset. In unius, quem proximè adduxi, P. Simonis Hein, commentariolo, ab anno circiter MD CXXXVI. ad MD CLIII. quo defunctus est, inventio præter eos, qui decrepito jam seni ac planè capulati, exciderunt memoriā, restitutos per ipsum Ecclesiæ, ac de nomine signatos, centum octuagintaleptem. Quorum eius nonnulli videantur Resselii vinculis hærescon expediti, Lindensi tamen Deiparae, secundum Deum salutem debent; quia & illi ab ipia

Res

Resselium diriguntur; & Societas Resseliensis, quid
aliud, nisi Deiparae Lindensis alumna est? Quod si,
juxta unius commentariolum necdum satis ad amus-
sin uniuersum exactum, Deipara tot ad fidem & Eccle-
siam reduxit, quot & quales essent, si, uti Ecclesiæ
sunt restituti, ab aliis quoque operariis relati in
commentarios accurate essent? Quid si verò illi quo-
que, qui vel ex avaritiæ vel luxuriæ, vel alio vitiorum
caeno, gravissimisque Satanæ vinculis erepti; vel
qui castimoniæ, justitiæ, liberalitatis, aliarumq[ue]
virtutum præsidio muniti atque ornati sunt, in ta-
bulas fuissent relati, quis eorum satis numerum ex-
plicasset? Quorum ego non magis, quam meo
quoque nomine, sub tiliæ Marianæ umbra posi-
tus, non tam cum sancto Saba, magno Ecclesiæ
Græce Rectore, quam cum universa Ecclesia Græca
in Menæis Deiparam supplex oro. Ego sum in frugifera
Arbor, nullum salutis fructum afferens. Quocirca, ne ex-
scindar, & in ignem, qui extingui non potest, miser proy-
ciar, metuo. Ut inde ergo me eripiā, atque suffragiis tuis
frugiferum, tuo exhibeas Filio, coram te prosternor. (a)

CAPUT

(a) Apud VVagnereckium num. 192. ἔγω εἰμί τὸ
ἀκαρπὸν δένδρον, τὸ μη καρπίνεν καρπὸν σωτήριον. διό
ἡ τρέμω τὴν ἐκκοκκιλίδιον πᾶς Θεοῦ εἰς τὸ πῦρ τὸ ἀσβε-
στὸν ὁ αὐλιθος. οὐδὲν προσπίπτωσοι, τὰ ταῦτα ψύχα, μετὸν καρπ-
οφόρον δένδρον τῷ ίῷ σὺ τῇ μεγίτοις σὺ.